



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. XXXI. Platonis locus ex Phaedone explicatur.

urn:nbn:de:hbz:466:1-13245

Etor Hippocrates : Οὐτὶ δὲ ἀν διαλέγωμαι, τὸ γενέσαι,
καὶ τὸ απολέθαι τὸ πολλῶν ἔνεκεν ἐρμηνεύσω. ταῦτα ἢ καὶ
ξυμμίσγεται καὶ διακρίνεται δηλῶ. & paulo post : γενέ-
σαι, ξυμμιγῆναι, τώπτο. i. *Quid vero dicam, generari*
& perire; *vulgi gratia interpretabor.* Hæc autem commis-
ceri & discerni ajo significare. Generari idem est, quod com-
miseri. Supra autem dixerat: Απόλλυται μὴ γὰρ εἰδεῖ
ἀπάντων χρημάτων, εἰδὲ γίνεται, δέ, τι μὴ καὶ πρόσθεν ἦν.
ξυμμισγόμενα ἢ καὶ διακρινόμενα ἀλλοιάται; & mox: νο-
μίζεται ἢ παρὰ τῶν ἀνθρώπων, τὸ μὴ δεῖ εἶδε φῶς ἀνέγ-
θεν γενέσαι. i. Existimant homines illud quod ex orco (hoc
est e naturæ sinu & latibulis) in lucem auctum est, generari.
Hæc non potui, quin adscriberem: utpote quibus &
Plutarchi sententia mirum in modum declaratur, & emen-
datio nostra confirmatur.

CAPUT XXXI.

Platonis locus ex Phædone explicatur.

In eo pulcherrimo dialogo, Plato Cebetem
audita quapiam Socratis dubitatione, de
quæstione inter Philosophos agitari soli-
ta, an liceat homini aliquando seipsum
interficere, sic interloquentem inducit:
Καὶ οὐ Κέλεις ἡρέμα ὑπιγελάστες, ἵππω ζεὺς, Ἐφη, τῇ ἀντε
Φωνῇ ἐιπών. quæ verba Ficinus ita reddit: Tunc Cebes
subridens: *Itto Juppiter, inquit, sua ipsius lingua loquens.*
Quod cur ita verterit, fateor me nescire. Nam si Græcam
dictionem ἵππω Latinis literis expressam exhibere volebat,
itto, non itto, scriptum oportuit. Præterea majusculam
lite-

literam I initio ponit, tanquam esset nomen proprium, unum scilicet e Jovis nominibus. Ex quo suspicio sane datur, hunc, quid ἦτω ibi significet; ignorasse; multo-
quem minus intellexisse, quo sensu ea locutio usurpari sole-
ret. Hoc igitur explicare haud abs re fuerit, ἦτω ζεῦς,
locutio est significans *Thebana* lingua, *sciat Juppiter*. Nam
ἦτω, Thebani dicebant, pro ἵσω, a verbo ἴσημι *scio*. Ita
igitur & Cebetem, qui Thebanus erat, *Plato* inducit lo-
quentem. Solebant autem ea locutione uti in iis, quæ admo-
dum dubia, & difficultia ad explicandum viderentur: ut eo
loco Cebes. Nam dixerat Socrates de Philolai sententia,
qua ille pronuntiabat, nemini licere seipsum interimere;
mirum hoc videri posse, si cum, ut sunt res humanæ,
quibusdam melius sit mori quam vivere, non liceat his
sibimet prodesse, hoc est mortem sibi *conseiscere*. hoc ergo
addubitatem audiens Cebes, & rei difficultatem intelli-
gens, tum objectionis acumine non indelectatus, ac sub-
ridens sua lingua dicit: ἦτω Ζεὺς *sciat Juppiter*! quasi dice-
ret, videri id tam incertum, quod proponit Socrates, ut
hujus quid sit verum, hominum nullus, invenire aut decer-
nere possit: utpote quod soli Deo notum sit. Quod hic
sit sensus hujus locutionis Thebanis usitatæ, ostendo alio
loco *Platonis* in epistola 7. ad Dionis Propinquos, ubi de
Dionysii junioris Syracusarum tyranni gloriatione, qui se
jactabat de summis & primis naturæ veritatem comprehen-
disse, tametsi de iis semel audiisset: immo vero de tantis
rebus scripsisse: εἰ μὴ οὐδὲ (inquit) ἐκ τῆς μιᾶς συγγραφῆς
τρίτο γέγονε, τάχα ἀν εἴν γέγονε δέ οὖν ὅπως, ἦτω ζεὺς;
Φησίν οὐ Θηλεός. ubi *Marsilius Ficinus* verba hæc; ἦτω ζεύς,
vertit: prob Juppiter! putans Thebanorum lingua, ἦτ-
ω, esse interjectionem. Sic autem is locus Latine ex-
primi potest. Verum si ex uno colloquio id factum est; (sup-
ple: summa rerum principia si ita intelligentia est comple-
xus, ut alios plane posset docere) fortassis id non sit ne-

gandum. Quomodo autem fieri potuerit, viderit Juppiter. Qui posterior Platonis locus indicat & aliis Græcis fuisse in ore hanc formulam: Eandem habemus apud Aristophanem, in fabula Αχαρνῶν; ubi Thebanum inducit mercatorem sic loquentem: ἡλω Ηρακλῆς, προὶστω. Item post, Nicarcho Sycophantæ interroganti, cujus eæ merces essent, idem Boeotius mercator respondet,

Tῷ δὲ Εμῷ,

Θεῖοι θεοί, ἡλω Ζεὺς.

mea sunt, Thebis advecta, norit Juppiter: quod ibi idem valet, ac: Deum testor..

FINIS LIBRI III.



PETRI